



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

De vinea Chremsleiten à Leubserinna.

urn:nbn:de:hbz:466:1-13591

præbendæ debeat cedere annuatim. In cuius rei memoriam præsentis damus litteras, sigillorum Domine *Petrissæ* relicte, nobilis viri Domini *Hartlibi* dicti quondam de *Puechperch* piæ memoriæ, nec non Domini *Eberhardi* plebani de *Viechtah* munimine roboratas. Datum in *Osterhouen* anno Domini M. CCC. tricesimo primo, in die sancti *Nicolai* Pontificis gloriosi.

De quinta minutione & candel. pro festo *Corporis Christi*,
& candel. S. *Albani*.

NE rerum pio deuotionis affectu gestarum labatur memoria, inuenta sunt à prosperitatibus remedia scripturarum, quæ consueuerunt fragilitatem humani generis æternare. Hinc est quod nos *Hermannus* diuina miseratione Abbas Ecclesiæ in *Osterhouen*, attendentes deuota & beneuolentia, nostri Conuentus in diuino cultu seruitia prouentus nostræ exterioris Parochiæ & oblationum, quæ in pios vsus redigi dignè debent, supernæ remunerationis intuitu, imò cõpassione naturæ inducti & hortati, pro commoditate communi, non priuata, sub conditionibus infra scriptis de communi consensu nostri prælibati Conuentus præuia matura deliberatione duximus nostræ infirmariæ perpetualiter annectendos. Videlicet vt ex prænotatis prouentibus siue oblationibus annis singulis in quinta minutione quæ hætenus haberi apud nos non consueuit circa festum beati *Iohannis Baptiste* consuetudini ordinis conformem, quam etiam ipse Infirmarius, qui pro tempore erit, secundum formam aliarum minutionum sufficienter ministrabit. Præterea vinum sacrificale quod custodes nostri Monasterij retroactis temporibus procurauerunt de communi nostro Cellari volumus recipi, hac condicionalitate subiecta, vt omnibus diebus ad eleuationem Corporis & Sanguinis Domini in publica Missa, duæ solemnes candelæ accendantur: & à festo *Pasche* inclusiue vsque ad festum beati *Michaelis*, in honorem beati *Albani*, contra malignitatem æreærum tempestatum, vna candela ardens, ad missam choralem per Custodè procuretur, quæ etiam post finem missæ antè *Corpus Christi* infra ambitum ad benedictionem frugum per ministrum deportetur. Cæterum ob reuerentiam Sacramenti Sacramentorum, in festo votiuo Corporis in processione quinque candelæ solemnes, ante & post Corpus Domini cum accendantur, quæ etiam pro publicæ missæ solemnia indeficienter rutilantes perseuerent. Vt ergo hæc nostræ actionis moralitas cunctis futuris temporibus inconuulsa & illibata permaneat, nos hanc chartam conscribi fecimus, & sigillorum, videl: Domini Reuerendi *Alberti* Præpositi Ecclesiæ *Vrspergen*. nostri Patris Abbatis, & annui visitatoris, nec non sui conuicatoris Domini *Chunr.* honorabilis Præpositi Monasterij *Schefelarn*, impressione muniri impetrauimus, & suæ auctoritatis plenitudine confirmari, ne aliquis nostrorum successorum eadem infringere, minuere, vel perturbare, aut alienare præsumat quoquo modo. Insuper ad maiorem euidentiã præsentis venerabilium Dominorum, scil. Domini *Gotschal. Wimbergen.* & Domini *Heinr. S. Saluat.* Ecclesiarum Prælatis, nec non nostri & nostri supratacti Conuentus sigillis procurauimus robore consignari. Datum & actum anno Dñi. M. CCC. XXXVIII. in festo Natiuitatis B. *Iohannis Baptiste*.

De vinea *Chremsleiten* à *Leubserinna*.

NOs frater *Otto* dictus Abbas *Zvueslen* Monast. totusque Conuentus ibidem: tenore præsentium profiteamur tam præsentibus quam futuris, quod honesta & Deo deuota vidua Domina *Gerdrudis* cognomine *Leubserinna* residens in-

ciuitate

ciuitate *Chremsa* pro Dei amore & spe retributionis æternæ, & de maturo consilio & bono fauore omnium hæredum suorum tempore quo ei bene licuit, vineam in *Chremleiten* sitam, de qua nobis in die S. *Michaelis* iure civili singulis annis octo denarii dantur Reuerendo in Christo Patri Domino *Hermanno* venerabili Abbati & Conuentui in *Osterhouen*, rationis compos & corpore sano, voluntate vltima delegauit iure quo ipsa tenuit perpetuo possidendam, & nos eandem vineam Abbati & Conuentui prænotatis contulimus de vnanimi consensu tenentes gratum & ratum testamentum memoratum tali conditione, vt in nostro iure nihil nobis depereat & præscriptus census ciuili de sæpedita vinea tempore debito grangiæ nostræ in *Chrem*, Rectoribus porrigatur, & in huiusmodi euidens & firmum testimonium has patentes prædicto patri & Conuentui donamus, sigilli nostri munimine roboratas. Datum in *Chremsa* nostra curia, an. Dñi M. CCC. XXXVI. In die B. *Francisci* Confessoris.

Iura Ecclesiæ *Babenbergen*. pro aduocatia.

DE redditibus Episcopi soluitur frumentum statuto iure in festo S. *Michaelis* accipiendum, publica taxatione quod vocatur *Fronchuff*. Porci qui vocatur *Sitei vviskinge* quos Oeconomi dant in festo B. *Martini*, persoluntur porci maiores id est *Stechswein* in *Epiphania*. Cereuisia in *Purificatione* S. *Maria*. Oues in festo S. *Georgij* Porcelli quos Oeconomi dant in festo S. *Petri* in æstate dandi sunt. Si placuerit Episcopo pecuniam pro seruitio recipere potest quod in eius arbitrio est. Pro medio tritici dantur XII. den. pro medio siliginis VIII. dn. pro medio auenæ VI. dn. Porci villanorum vnus. dn. Alter XV. Porcus maior de manso LX. nummos, agnus V. Quis redimitur secundum qualitatem pascuæ. Pro carrada cereuisiæ tres solidi maioris soluuntur. Si quis statuta lege & descripto tempore seruitium suum non persoluerit, duplum. id est *Zvvispilde* vadiabit & bannum procuratori VII. dn. & si maior Curia vadimonium ad domum debitoris exegerit, illi etiam duos nummos dab. Quod si secunda vice nõ persoluerit, & procuratori inobediens factus fuerit simili modo commutabit. Si tertio culpabilis extiterit, de retento seruitio procurator quæ sita sententia colonorum iudiciali lege beneficium publicabit, & sine vsu fructu in potestate procuratoris stabit, XIV. diebus & si infra hos colonus non composuerit beneficium perdidit. Si quis colonus Episcopi tria edicta procuratoris contempserit, quæ comparens sui iudiciali sententia super eum prouulgauerit, tres bannos ad vsu placitum plenarie vadiabit, quorum duo procuratori, tertius aduocato cedit. Si cuiuslibet anni sterilitas terræ fructus non produxerit, antiqua consuetudine quod terra negauit, coloni reddere non cogentur, nec census ab eis exigetur, & à capitibus suis. Quod si alteruter fructus aut hyemis aut veris super federit, de medio fructu medium seruitium antiquo iure persoluetur. Lex est famulorum curia qui nec habent beneficium quod deseruiant nec sunt redempti decamina Episcopi. Quod si quis est artifex debet dare de capite suo XXX. nummos. Si non est artifex XV. nisi ex gratia ei aliquid remittatur. Quicumque legitime redimendus, in publico placito procuratoris redimendus est, secundum iustam sententiam familiarium. Redemptio autem viri ad dimid. talen. ad censum XXX. X. dn. Redemptio mulieris LX. num. ad censum VII. dn. Coloni Episcopi ad quilibet Præposituram pertinere seruitium eius ad proximam ducent si eis denunciatum fuerit. Homines per possessiones fratrum *Osterhouensium* per omnia similem legem & iustitiam obtinebunt. Aduocatus *Osterhouensis* ex antiqua & inuiolabili constitutione & sanctione irrefragabili lege firmata non debet habere